

袖代上

祐範

日本書紀卷第一

神代上



古天地未剖陰陽不分渾沌如雞子溟滓而含
牙及其清陽者薄靡而為天重濁者淹滯而為
地精妙之合搏易重濁之凝場難故天先成而
地後定然後神聖生其中焉故曰開闢之初溟
壤浮漂譬猶游魚之浮水上也于時天地之中
生一物狀如葦牙便化為神踰國常立尊

至貴曰尊



自餘曰命並訓美
舉等也下皆倣此
次國狹槌尊次豐斟濟尊九

三神矣乾道獨化所以成此純男

一書曰天地初判一物在於虛中狀貌難言
其中自有化生之神號國常立尊亦曰國底
立尊次國狹槌尊亦曰國狹立尊次豐國主
尊亦曰豐組野尊亦曰豐香節野尊亦曰浮
經野豐買尊亦曰豐國野尊亦曰豐鬻野尊
亦曰葉木國野尊亦曰見野尊

一書曰古國稚地稚之時譬猶浮膏而漂蕩
于時國中生物狀如葦牙之抽出也因此有
化生之神號可美葦牙彥舅尊次國常立尊
次國狹槌尊葉木國此云播舉矩爾可美此
云于麻時
一書曰天地混成之時始有神人焉號可美
葦牙彥舅尊次國底立尊彥舅此云比古尼
一書曰天地初判始有俱生之神號國常立

尊次國狹槌尊又曰高天原所生神名曰天
御中主尊次高皇產靈尊次神皇產靈尊皇
產靈此云美武須毗

一書曰天地未生之時譬猶海上浮雪無所
根係其中生一物如葦牙之初生湔中也便
化為人號國常立尊

一書曰天地初判有物若葦牙生於空中因
此化神號天常立尊次可美葦牙彥舅尊又

有物若浮膏生於空中因此化神號國常立
尊

次有神湔土煮尊

湔土此云
于毗尼

沙土煮尊

沙土此
云河毗

尼亦曰湔土根
尊沙土根尊

次有神大戸之道尊

一云大
戸之邊

苦邊尊

亦曰大戸摩彦尊大戸摩姪
尊亦曰大富道尊大富邊尊

次有神面

足尊惶根尊

亦曰吾屋惶根尊亦曰忌櫃城尊
亦曰青櫃城根尊亦曰吾屋櫃城

尊次有神伊弉諾尊伊弉冊尊

一書曰此二神青櫃城根尊之子也

一書曰國常立尊生天鏡尊天鏡尊生天萬
尊天萬尊生沫蕩尊沫蕩尊生伊弉諾尊沫
蕩此云阿和那伎

凡八神矣乾坤之道相參而化所以成此男女
自國常立尊迄伊弉諾尊伊弉冊尊是謂神世
七代者矣

一書曰男女耦生之神先有溼土煮尊沙土
煮尊次有角檄尊活檄尊次有面足尊惶根

尊次有伊弉諾尊伊弉冊尊檄檄也

伊弉諾尊伊弉冊尊立於天浮橋之上共計曰

底下豈無國歟迺以天之瓊瓊玉也此日努努矛指下而

探之是獲滄溟其矛鋒滴瀝之潮凝成一嶋名

之曰礮馭廬嶋二神於是降居彼嶋內欲共爲

夫婦產生洲國便以礮馭廬嶋爲國中之柱柱比

云美 而陽神左旋陰神右旋分巡國柱同會

一面時陰神先唱曰熹哉遇可美少男焉少男此云

鳥等孤

陽神不悅曰吾是男子理當先唱如何婦人反先言乎事既不祥宜以改旋於是二神却更相遇是行也陽神先唱曰熹哉遇可美少女焉少女此云因問陰神曰汝身有何成耶對曰吾身有一雌元之處陽神曰吾身亦有雄元之處思欲以吾身元處合汝身之元處於是陰陽始遘合為夫婦及至產時先以淡路洲為胞意所不使故名之曰淡路洲廼生大日本日本此云耶麻

騰下皆豐秋津洲次生伊豫二名洲次生筑紫

洲次雙生隱岐洲與佐度洲世人或有雙生者象此也次生越洲次生大洲次生吉備子洲由是始起大八洲國之號焉即對馬嶋壹岐嶋及處二小嶋皆是潮沫凝成者矣亦曰水沫凝而成也

一書曰天神謂伊弉諾尊伊弉冊尊曰有豐葦原千五百秋瑞穗之地宜汝往循之廼賜

天瓊文於是二神立於天上浮橋投戈求地
因畫滄海而引舉之即戈鋒垂落之潮結而
爲嶋名曰礮馭廬嶋二神降居彼嶋化作八
尋之殿又化豎天柱陽神問陰神曰汝身有
何成耶對曰吾身具成而有稱陰元者一處
陽神曰吾身亦具成而有稱陽元者一處思
欲以吾身陽元合汝身之陰元云爾即將巡
天柱約束曰妹自左巡吾當右巡旣而分巡

相遇陰神乃先唱曰妍哉可愛少男歟陽神
後和之曰妍哉可愛少女歟遂爲夫婦先生
姪兒使載葦舩而流之次生淡洲此亦不以
充兒數故還復上詣於天具奏其狀時天神
以太占而卜合之乃教曰婦人之辭其已先
揚乎宜更還去乃卜定時日而降之故二神
改復巡柱陽神自左陰神自右旣遇之時陽
神先唱曰妍哉可愛少女歟陰神後和之曰

妍哉可愛少男歟然後同宮共住而生兒號
大日本豐秋津洲次淡路洲次伊豫二名洲
次筑紫洲次億岐三子洲次佐度洲次越洲
次吉備子洲由此謂之大八洲國矣瑞此云
弥圖妍哉此云阿那而惠夜可愛此云哀太
占此云布刀磨爾

一書曰伊弉諾尊伊弉冊尊二神立于天霧
之中曰吾欲得國乃以天瓊矛指垂而探之

得礮馭廬嶋則按矛而喜之曰善乎國之在
矣

一書曰伊弉諾伊弉冊二神坐于天原曰當
有國耶乃以天瓊矛畫成礮馭廬嶋

一書曰伊弉諾伊弉冊二神相謂曰有物若
浮膏其中蓋有國乎乃以天瓊矛探成一嶋

名曰礮馭廬嶋

一書曰陰神先唱曰美哉善少男時以陰神

先言故爲不祥更復改巡則陽神先唱曰美哉善少女遂將合交而不知其術時有鵲鴿飛來搖其首尾二神見而學之即得交道

一書曰二神合爲夫婦先以淡路洲次爲胞生大日本豐秋津洲次伊豫洲次筑紫洲次雙生億岐洲與佐度洲次越洲次大洲次子洲

一書曰先生淡路洲次大日本豐秋津洲次

伊豫二名洲次億岐洲次佐度洲次筑紫洲次壹岐洲次對馬洲

一書曰以礮馭盧嶋爲胞生淡路洲次大日本豐秋津洲次伊豫二名洲次筑紫洲次吉備子洲次雙生億岐洲與佐度洲次越洲

一書曰以淡路洲爲胞生大日本豐秋津洲次淡洲次伊豫二名洲次億岐三子洲次佐度洲次筑紫洲次吉備子洲次大洲

一書曰陰神先唱曰妍哉可愛少男乎便握陽神之手遂爲夫婦生淡路洲次蛭兒

次生海次生川次生山次生木祖句句迺馳次

生草祖草野姬亦名野槌既而伊弉諾尊伊弉

冊尊共議曰吾已生大八洲國及山川草木何

不生天下之主者歟於是共生日神號大日靈

貴大日靈貴此云於保比屢咩能武智靈音力丁反一書云天照大神一書云天照大日靈

尊此子光華明彩照徹於六合之內故二神喜

曰吾息雖多未有若此靈異之兒不宜久留此

國自當早送于天而授以天上之事是時天地

相去未遠故以天柱舉於天上也次生月神一書

云月弓尊月夜見尊月讀尊其光彩亞日可以配日而治故

亦送之于天次生蛭兒雖已三歲脚猶不立故

載之於天磐椽樟船而順風放棄次生素彥鳴

尊一書云神素彥鳴尊此神有勇悍以安忍且常

以哭泣爲行故令國內人民多以矢折復使青

山變枯故其父母二神勅素戔嗚尊汝甚無道
不可以君臨宇宙固當遠適之於根國矣遂逐
之

一書曰伊弉諾尊曰吾欲生御宙之珍子乃
以左手持白銅鏡則有化出之神是謂大日
靈尊右手持白銅鏡則有化出之神是謂月
弓尊又迴首顧眄之間則有化神是謂素戔
嗚尊即大日靈尊及月弓尊並是質性明麗

故使照臨天地素戔嗚尊是性好殘害故令
下治根國珍此云于圖顧眄之間此云美屢
摩沙可利爾

一書曰日月既生次生蛭兒此兒年滿三歲
脚尚不立初伊弉諾伊弉冊尊巡柱之時陰
神先發喜言既違陰陽之理所以今生蛭兒
次生素戔嗚尊此神性惡常好哭恚國民多
死青山爲枯故其父母勅曰假使汝治此國

必多所殘傷故汝可以馭極遠之根國次生
鳥磐椽樟船輒以此船載姪兒順流放棄次
生火神軻遇宓智時伊弉册尊爲軻遇宓智
所焦而終矣其旦終之間卧生土神埴山姬
及水神罔象女即軻遇宓智娶埴山姬生稚
產靈此神頭上生蠶與桑臍中生五穀罔象
此云美都波

一書曰伊弉册尊生火產靈時爲子所焦而

神退矣亦云神避矣其旦神退之時則生水
神罔象女及土神埴山姬又生天吉葛天吉
葛此云阿摩能與佐圖羅一云與曾豆羅
一書曰伊弉册尊旦生火神軻遇宓智之時
悶熱懊惱因爲吐此化爲神名曰金山彦次
小便化爲神名曰罔象女次大便化爲神名
曰埴山媛

一書曰伊弉册尊生火神時被灼而神退去

矣故葬於紀伊國熊野之有馬村焉土俗祭此神之魂者花時亦以花祭又用鼓吹幡旗歌樂而祭矣

一書曰伊弉諾尊與伊弉冊尊共生大八洲國然後伊弉諾尊曰我所生之國唯有朝霧而薰滿之哉乃吹撥之氣化爲神號曰級長戶邊命亦曰級長津彥命是風神也又飢時生兒號倉稻魂命又生海神等號少童命山

神等號山祇水門神等號速秋津日命木神等號句句迺馳土神號埴安神然後悉生萬物焉至於火神軻遇宓智之生也其母伊弉冊尊見焦而化去于時伊弉諾尊恨之曰唯以一兒替我愛之妹者乎則匍匐頭邊匍匐脚邊而哭泣流涕焉其淚隨而爲神是即畝立樹下所居之神號啼澤女命矣遂拔所帶十握劍斬軻遇宓智爲三段此各化成神也

復劔刃垂血是爲天安河邊所在五百箇磐石也即此經津主神之祖矣復劔鏢垂血激越爲神号曰甕速日神次燖速日神其甕速日神是武甕槌神之祖也亦曰甕速日命次燖速日命次武甕槌神復劔鋒垂血激越爲神号曰磐裂神次根裂神次磐筒男命一曰磐筒男命及磐筒女命復劔頭垂血激越爲神号曰闇靄次闇山祇次闇罔象然後伊弉

諾尊追伊弉册尊入於黃泉而及之共語時伊弉册尊曰吾夫君尊何來之晚也吾已登泉之竈矣雖然吾當寢息請勿視之伊弉諾尊不聽陰取湯津爪櫛牽折其雄柱以爲秉炬而見之者則膿涕虫流今世人夜息一片之火又夜忌擲櫛此其緣也時伊弉諾尊大驚之曰吾不意到於不湏也凶目汗穢之國矣乃急走迴歸于時伊弉册尊恨曰何不用

要言令吾耻辱乃遣泉津醜女八人

一云泉津日狹

女

追留之故伊弉諾尊拔劍背揮以逃矣因

投黑鬘此即化成蒲陶醜女見而採噉之噉
了則更追伊弉諾尊又投湯津爪櫛此即化
成笥醜女亦以採噉之噉了則更追後則伊
弉冊尊亦自來追是時伊弉諾尊已到泉津
平坂一云伊弉諾尊乃向大樹放屨此即化
成巨川泉津日狹女將渡其水之間伊弉諾

尊已至泉津平坂故便以千人所引磐石塞
其坂路與伊弉冊尊相向而立遂建絕妻之
誓時伊弉冊尊曰愛也吾夫君言如此者吾
當縊殺汝所治國民日將千頭伊弉諾尊乃
報之曰愛也吾妹言如此者吾則當產日將
千五百頭因曰自此莫過即投其杖是謂岐
神也又投其帶是謂長道磐神又投其衣是
謂煩神又投其禪是謂開鬻神又投其履是

謂道敷神其於泉津平坂或所謂泉津平坂者不復別有處所但臨死氣絕之際是之謂歟所塞磐石是謂泉門塞六神也亦名道返大神矣伊弉諾尊既還乃追悔之曰吾前到於不須也凶目汚穢之處故當滌去吾身之濁穢則往至筑紫日向小戸橘之檉原而殺除焉遂將盪滌身之所汚乃興言曰上瀨是太疾下瀨是太弱便濯之中瀨也因以生神

號曰八十枉津日神次將矯其枉而生神号曰神直日神次大直日神又沈濯於海底因以生神號曰底津少童命次底筒男命又潛濯於潮中因以生神号曰中津少童命次中筒男命又浮濯於潮上因以生神号曰表津少童命次表筒男命凡有九神矣其底筒男命中筒男命表筒男命是即住吉大神矣底津少童命中津少童命表津少童命是阿曇

連等所祭神矣然後洗左眼因以生神號曰
天照大神復洗右眼因以生神號曰月讀尊
復洗鼻因以生神號曰素戔嗚尊凡三神矣
已而伊弉諾尊勅任三子曰天照大神者可
以治高天原也月讀尊者可以治滄海原潮
之八百重也素戔嗚尊者可以治天下也是
時素戔嗚尊年已長矣復生八握鬚髯雖然
不治天下常以啼泣恚恨故伊弉諾尊問之

曰汝何故恒啼如此耶對曰吾欲從母於根
國只爲泣耳伊弉諾尊惡之曰可以任情行
矣乃逐之

一書曰伊弉諾尊拔劍斬軻遇宓智爲三段
其一段是爲雷神一段是爲大山祇神一段
是爲高靈又曰斬軻遇宓智時其血激越淅
於天八十河中所在五百箇槃石而因化成
神号曰磐裂神次根裂神兒磐筒男神次磐

筒女神兒經津主神倉稻魂此云宇介能美
拖磨少童此云和多都美頭邊此云摩苦羅
陞脚邊此云阿度陞燬火也音而善反靈此
云於筒美音力了反吾夫君此云阿我儼勢
食泉之竈此云譽母都俳遇比東炬此云多
妣不須也凶目汚穢此云伊儼之居梅枳枳
多儼枳醜女此云志許賣背揮此云志理幣
提爾布俱泉津平坂此云余母都比羅佐可

屨此云愈磨理音乃予反絕妻之誓此云許
等度岐神此云布那斗能加微憶此云阿波
岐

一書曰伊婁諾尊斬軻遇宓智命爲五段此
各化成五山祇一則首化爲大山祇二則身
中化爲中山祇三則手化爲麓山祇四則腰
化爲正勝山祇五則足化爲鼈山祇是時斬
血激灑染於石礫樹草此草木沙石自含火

之緣也麓山足曰麓此云斲耶磨正勝此云
麻沙柯一云麻左柯豆錐此云之伎音烏含
反

一書曰伊犛諾尊欲見其妹乃到殯斲之處
是時伊犛冊尊猶如生平出迎共語已而謂
伊犛諾尊曰吾夫君尊請勿視吾矣言訖忽
然不見于時闇也伊犛諾尊乃舉一片之火
而視之時伊犛冊尊脹滿太高上有八色雷

公伊犛諾尊驚而走還是時雷等皆起追來
時道邊有大桃樹故伊犛諾尊隱其樹下因
採其實以擲雷者雷等皆退走矣此用桃避
鬼之緣也時伊犛諾尊乃投其杖曰自此以
還雷不敢來是謂岐神此本號曰來名戶之
祖神焉所謂八雷者在首曰大雷在胸曰火
雷在腹曰土雷在背曰稚雷在尻曰黑雷在
手曰山雷在足上曰野雷在陰上曰裂雷

一書曰伊犛諾尊追至伊犛冊尊所在處便語之曰悲汝故來吞曰族也勿看吾矣伊犛諾尊不從猶看之故伊犛冊尊恥恨之曰汝已見我情我復見汝情時伊犛諾尊亦慙焉因將出返于時不直默歸而盟之曰族離又曰不負於族乃所唾之神號曰速玉之男次掃之神號泉津事解之男九二神矣及其與妹相關於泉平坂也伊犛諾尊曰始爲族悲

及思哀者是吾之怯矣時泉守道者白云有言矣曰吾與汝已生國矣奈何更求生乎吾則當留此國不可共去是時菊理媛神亦有白事伊犛諾尊聞而善之乃散去矣但親見泉國此既不祥故欲濯除其穢惡乃往見粟門及速吸名門然此二門潮旣太急故還向於橘之小門而拂濯也于時入水吹生繫土命出水吹生大直日神又入吹生底土命出

吹生大綾津日神又入吹生赤土命出吹生
大地海原之諸神矣不負於族此云宇我羅
磨概茸

一書曰伊弉諾尊勅任三子曰天照太神者
可以御高天之原也月夜見尊者可以配日
而知天事也素戔嗚尊者可以御滄海之原
也既而天照大神在於天上曰聞葦原中國
有保食神宜爾月夜見尊就候之月夜見尊

受勅而降已到于保食神許保食神乃迴首
嚮國則自口出飯又嚮海則鱗廣鱗狹亦自
口出又嚮山則毛麕毛柔亦自口出夫品物
悉備貯之百杙而饗之是時月夜見尊忿然
作色曰穢矣鄙矣寧可以口吐之物敢養我
乎迺拔劍擊殺然後復命具言其事時天照
大神怒甚之曰汝是惡神不須相見乃與月
夜見尊一日一夜隔離而住是後天照大神

復這天熊人往看之是時保食神實已死矣
唯有其神之頂化爲牛馬顛上生粟眉上生
蚕眼中生稗腹中生稻陰生麥及大小豆天
熊人悉取持去而奉進之于時天照大神喜
之曰是物者則顯見蒼生可食而活之也乃
以粟稗麥豆爲陸田種子以稻爲水田種子
又因定天邑君即以其稻種始殖于天狹田
及長田其秋蚕類八握莫莫然甚快也又口

裏含蚕便得抽絲自此始有養蠶之道焉保
食神此云宇氣母知能加微顯見蒼生此云
宇都志枳阿烏比等又佐

於是素戔嗚尊請曰吾今奉教將就根國故欲
暫向高天原與姊相見而後永退矣勅許之乃
昇詣之於天也是後伊弉諾尊神功旣畢靈運
當遷是以構幽宮於淡路之洲寂然長隱者矣
亦曰伊弉諾尊功旣至矣德亦大矣於是登天

報命仍留宅於日之少宮矣少宮此云倭柯美野始素彘

鳴尊昇天之時溟渤以之鼓盪山岳為之鳴响

此則神性雄健使之然也天照大神素知其神

暴惡至聞來詣之狀乃勃然而驚曰吾弟之來

豈以善意乎謂當有奪國之志歟夫父母既任

諸子各有其境如何棄置當就之國而敢窺察

此處乎乃結髮為髻縛裳為袴便以八坂瓊之

五百筒御統御統此云美須磨屢纏其髻鬢及腕又背負

千箭之鞞千箭此云知能梨與五百箭之鞞臂著稜威

之高鞞稜威此云伊都振起弓彌急握劍柄蹈堅庭而

陷股若沫雪以蹙散蹙散此云俱織奮稜威之

雄誥雄誥此云多魯眉發稜威之噴讓噴讓此云舉廬毗而侄

誥問焉素彘鳴尊對曰吾元無黑心但父已有

嚴勅將承就乎根國如不與姉相見吾何能敢

去是以跋涉雲霧遠自來參不意阿姉翻起嚴

顏于時天照大神復問曰若然者將何以明爾

之赤心也對曰請與姉共誓夫誓約之中誓約之中

此云字氣譬能美難箇必當生子如吾所生是女者則可

以為有濁心若是男者則可以為有清心於是

天照大神乃索取素戔嗚尊十握劍打折為三

段濯於天真名井齧然咀嚼我彌爾加武而

吹棄氣噴之狹霧吹棄氣噴之狹霧此云浮枳于都屢伊浮岐能佐擬理

所生神號曰田心姬次湍津姬次市杵嶋姬九

三女矣既而素戔嗚尊乞取天照大神髻鬢及

腕所纏八坂瓊之五百箇御統濯於天真名井

齧然咀嚼而吹棄氣噴之狹霧所生神號曰正

哉吾勝勝速日天忍穗耳尊次天穗日命是出雲臣

土師連等祖也次天津彦根命是九川内直山代直等祖也次活津

彥根命次熊野櫛樟日命九五男矣是時天照

大神勅曰原其物根則八坂瓊之五百箇御統

者是吾物也故彼五男神悉是吾兒乃取而予

養焉又勅曰其十握劍者是素戔嗚尊物也故

此三女神悉是爾兒便授之素戔嗚尊此則筑紫胸肩君等所祭神是也

一書曰日神本知素戔嗚尊有武健陵物之意及其上至便謂弟所以來者非是善意必當奪我天原乃設大夫武備躬帶十握劍九握劍八握劍又背上負鞞又臂著綾威高鞞手握弓箭親迎防禦是時素戔嗚尊告曰吾元無惡心唯欲與姊相見只爲暫來耳於是

日神共素戔嗚尊相對而立誓曰若汝心明淨不有陵奪之意者汝所生兒必當男矣言訖先食所帶十握劍生兒號瀛津嶋姬又食九握劍生兒號瀛津姬又食八握劍生兒號田心姬凡三女神矣已而素戔嗚尊以其頸所嬰五百箇御統之瓊濯于天渟名井亦名去來之真名井而食之乃生兒號正哉吾勝勝速日天忍骨尊次天津彥根命次活津彥

根命次天穗日命次熊野忍踏命凡五男神
矣故素戔嗚尊既得勝驗於是日神方知素
戔嗚尊固無惡意乃以日神所生三女神令
降於筑紫洲因教之曰汝三神宜降居道中
奉助天孫而爲天孫所祭也

一書曰素戔嗚尊將昇天時有一神号羽明
玉此神奉迎而進以瑞八坂瓊之曲玉故素
戔嗚尊持其瓊玉而到之於天上也是時天

照大神疑弟有惡心起兵詰問素戔嗚尊對
曰吾所以來者實欲與姊相見亦欲獻珍寶
瑞八坂瓊之曲玉耳不敢別有意也時天照
大神復問曰汝言虛實將何以爲驗對曰請
吾與姊共立誓約誓約之間生女爲黑心生
男爲赤心乃掘天真名井三處相與對立是
時天照大神謂素戔嗚尊曰以吾所帶之劍
今當奉汝汝以汝所持八坂瓊之曲玉可以

授予矣如此約束共相換取已而天照大神
則以八坂瓊之曲玉浮寄於天真名井鬻斷
瓊端而吹出氣噴之中化生神号市杵嶋姬
命是居于遠瀛者也又鬻斷瓊中而吹出氣
噴之中化生神号田心姬命是居于中瀛者
也又鬻斷瓊尾而吹出氣噴之中化生神号
湍津姬命是居于海濱者也凡三女神於是
素戔嗚尊以所持劔浮寄於天真名井鬻斷

劔末而吹出氣噴之中化生神号天穗日命
次正哉吾勝勝速日天忍骨尊次天津彥根
命次活津彥根命次熊野櫛樟日命凡五男
神云爾

一書曰日神與素戔嗚尊隔天安河而相對
乃立誓約曰汝若不有奸賊之心者汝所生
子必男矣如生男者予以爲子而令治天原
也於是日神先食其十握劔化生兒瀛津嶋

姬命亦名市杵鸕姬命又食九握劍化生兒
湍津姬命又食八握劍化生兒田霧姬命已
而素戔嗚尊含其左髻所纏五百箇統之瓊
而著於左手掌中便化生男矣則稱之曰正
哉吾勝故因名之曰勝速日天忍穗耳尊復
含右髻之瓊著於右手掌中化生天穗日命
復含嬰頸之瓊著於左臂中化生天津彥根
命又自右臂中化生活津彥根命又自左足

中化生熯之速日命又自右足中化生熊野
忍踏命亦名熊野忍隅命其素戔嗚尊所生
之兒皆已男矣故日神方知素戔嗚尊元有
赤心便取其六男以爲日神之子使治天原
即以日神所生三女神者使降居于葦原中
國之宇佐嶋矣今在海北道中號曰道主貴
此筑紫水沼君等祭神是也熯干也此云備
是後素戔嗚尊之爲行也甚無狀何則天照大

神以天狹田長田為御田時素戔嗚尊春則重
播種子重播種子此且毀其畔毀此云秋則放
天班駒使伏田中復見天照大神當新嘗時則
陰放戾於新宮又見天照大神方織神衣居齋
服殿則剥天班駒穿殿薨而投納是時天照大
神驚動以梭傷身由此發愠乃入于天石窟閉
磐戶而幽居焉故六合之內常闇而不知晝夜
之相代于時八十萬神會於天安河邊計其可

禱之方故思兼神深謀遠慮遂聚常世之長鳴
鳥使互長鳴亦以手力雄神立磐戶之側而中
臣連遠祖天兒屋命忌部遠祖太玉命掘天香
山之五百箇真坂樹而上枝懸八坂瓊之五百
箇御統中枝懸八咫鏡一云真下枝懸青和幣
和幣此云白和幣相與致其祈禱焉又倭女君
尼枳底遠祖天鈿女命則手持茅纏之稍立於天石窟
戶之前巧作俳優亦以天香山之真坂樹為鬢

以蘿

蘿此云
比舸礙

爲手

繩多須

此云

而火處燒覆槽

置

覆槽此
云于該

顯神明之憑談

顯神明之憑談此
云歌牟鵝可梨

是

時天照大神聞之而曰吾比閉居石窟謂當豐

葦原中國必爲長夜云何天鈿女命噫樂如此

者乎乃以御手細開擊戶窺之時手力雄神則

奉承天照大神之手引而奉出於是中臣神忌

部神則界以端出之繩

繩亦云左繩端出此
云斯梨俱梅儺波

乃

請曰勿復還幸然後諸神歸罪過於素戔嗚尊

而科之以千座置戶遂促徵矣至使拔髮以贖

其罪亦曰拔其手足之爪贖之已而竟遂降焉

一書曰是後稚日女尊坐于齋服殿而織神

之御服也素戔嗚尊見之則逆剥班駒投入

之殿內稚日女尊乃驚而隨機以所持梭傷

體而神退矣故天照大神謂素戔嗚尊曰汝

猶有黑心不欲與汝相見乃入于天石窟而

閉著磐戶焉於是天下恒闇無復晝夜之殊

故會八十萬神於天高市而問之時有高皇
產靈之息思兼神者有思慮之智乃思而白
曰宜圖造彼神之象而奉招禱也故即以石
凝姥爲冶工採天香山之金以作日矛又全
剥真名鹿之皮以作天羽翰用此奉造之神
是即紀伊國所坐日前神也石凝姥此云伊
之居黎度咩全剥此云宇都播伎祈
一書曰日神尊以天垣田爲御田時素戔嗚

尊春則填渠毀畔又秋穀已成則冒以絡繩
且日神居織殿時則生剥班駒納其殿內凡
此諸事盡是無狀雖然日神息親之意不愠
不恨皆以平心容焉及至日神當新嘗之時
素戔嗚尊則於新宮御席之下陰自送糞日
神不知徑坐席上由是日神舉體不平故以
恚恨迺居于天石窟閉其磐戶于時諸神憂
之乃使鏡作部遠祖天糠戶者造鏡忌部遠

祖太王者造幣玉作部遠祖豐玉者造玉又使山雷者採五百箇真坂樹八十玉籤野槌者採五百箇野薦八十玉籤凡此諸物皆來聚集時中臣遠祖天兒屋命則以神祝祝之於是日神方開磐戶而出焉是時以鏡入其石窟者觸戶小瑕其瑕於今猶存此即伊勢崇秘之大神也已而科罪於素戔嗚尊而責其殺具是以有手端吉棄物足端凶棄物亦

以唾爲白和幣以洩爲青和幣用此解除竟遂以神逐之理逐之送糞此云俱蕪摩屢玉籤此云多摩俱之殺具此云波羅閉都母能手端吉棄此云多那須衛能余之岐羅毗神祝祝之此云加武保佐枳保佐枳逐之此云波羅賦

一書曰是後日神之田有三處焉號曰天安田天平田天邑并田此皆良田雖經霖旱無

所捐傷其素戔鳴尊之田亦有三處號曰天
檄田天川依田天口銳田此皆磽地雨則流
之旱則焦之故素戔鳴尊妬害姊田春則廢
渠槽及埋溝毀畔又重播種子秋則搖籤伏
馬凡此惡事會無息時雖然日神不愠恒以
平慈相容焉云云至於日神閉居于天石窟
也諸神遣中臣連遠祖與台產靈兒天兒屋
命而使祈焉於是天兒屋命握天香山之真

坂木而上枝懸以鏡作遠祖天按戶兒已凝
戶邊所作八咫鏡中枝懸以玉作遠祖伊弉
諾尊兒天明玉所作八坂瓊之曲玉下枝懸
以粟國忌部遠祖天日鷲所作木綿乃使忌
部首遠祖太玉命執取而廣厚稱辭祈啓矣
于時日神聞之曰頃者人雖多請未有若此
言之麗美者也乃細開磐戶而窺之是時天
手力雄神侍磐戶側則引開之者日神之光

滿於六合故諸神大喜即科素戔鳴尊千座
置戶之解除以手爪爲吉爪棄物以足爪爲
凶爪棄物乃使天兒屋命掌其解除之大諄
辭而宣之焉世人慎收已爪者此其緣也旣
而諸神嘖素戔鳴尊曰汝所行甚無賴故不
可住於天上亦不可居於葦原中國宜急適
於底根之國乃共逐降去于時霖也素戔鳴
尊結束青草以爲笠蓑而乞宿於衆神衆神

曰汝是躬行濁惡而見逐謫者如何乞宿於
我遂同距之是以風雨雖甚不得留休而辛
苦降矣自爾以來世諱著笠蓑以入他人屋
內又諱履束草以入他人家內有犯此者必
債解除此太古之遺法也是後素戔鳴尊曰
諸神逐我我今當永去如何不與我姉相見
而檀自姪去歟迺復扇天扇國上詣于天時
天鈿女見之而告言於日神也日神曰吾弟

所以上來非復好意必欲奪我之國者歟吾
雖婦女何當避乎乃躬裝武備云云於是素
戔鳴尊誓之曰吾若懷不善而復上來者吾
今鬻玉生兒必當爲女矣如此則可以降女
於葦原中國如有清心者必當生男矣女此
則可以使男御天上且姊之所生亦同此誓
於是日神先鬻十握劍云云素戔鳴尊乃輻
輳然解其左髻所纏五百箇統之瓊綸而瓊

響瑤瑤濯浮於天渟名并鬻其瓊端置之左
掌而生兒正哉吾勝勝速日天忍穗根尊復
鬻右瓊置之右掌而生兒天穗日命此出雲
臣武藏國造土師連等遠祖也次天津彥根
命此茨城國造額田部連等遠祖也次活目
津彥根命次熯速日命次熊野大隅命凡六
男矣於是素戔鳴尊白日神曰吾所以更昇
來者衆神處我以根國今當就去若不與姊

相見終不能忍離故實以清心復上來耳今
則奉覲已訖當隨衆神之意自此永歸根國
矣請姊照臨天國自可平安且吾以清心所
生兒等亦奉於姊已而復還降焉廢渠槽此
云秘波馘都檜籤此云乂斯社志興台產靈
此云許語等武須毗大諄辭此云布斗能理
斗輻輳然此云乎謀苦留留爾瑒瑒此云乎
奴儻等母母由羅爾

是時素戔嗚尊自天而降到於出雲國簸之川
上時聞川上有啼哭之聲故尋聲覓往者有一
老公與老婆中間置一少女撫而哭之素戔嗚
尊問曰汝等誰也何爲哭之如此耶對曰吾是
國神號脚摩乳我妻號手摩乳此童女是吾兒
也號音稻田姬所以哭者往時吾兒有八箇少
女每年爲八岐大蛇所吞今此少童且臨被吞
無由脫免故以哀傷素戔嗚尊勅曰若然者汝

當以女奉吾耶對曰隨勅奉矣故素戔鳴尊立
化奇稻田姬為湯津爪櫛而掩於御髻乃使脚
摩乳手摩乳釀八醞酒并作假殿假殿此云八
佐受枳間各置一口槽而盛酒以待之也至期果有大
蛇頭尾各有八岐眼如赤酸醬赤酸醬此云松
阿箇箇鵝知栢生於背上而蔓延於八丘八谷之間及至得
酒頭各一槽飲醉而睡時素戔鳴尊乃按所帶
十握劍寸斬其蛇至尾劍刃少缺故割裂其尾

視之中有一劍此所謂草薙劍也

草薙劍此云
俱娑那伎能

都留伎一書曰本名天藪雲劍蓋大蛇所居之
上常有雲氣故以名歟至日本武皇子改名曰
草薙素戔鳴尊曰是神劍也吾何敢私以安乎

乃上獻於天神也然後行覓將婚之處遂到出

雲之清地焉

清地此
云素鵝

乃言曰吾心清清之

此今
呼此

地曰於彼處建宮

或云時武素戔鳴尊歌之曰
夜句茂多菟伊弩毛夜霸餓

岐菟磨語昧爾夜霸餓枳
菟俱廬贈迺夜霸餓岐迴

乃相與違合而生兒

大已貴神因勅之曰吾兒宮首者即脚摩乳手

摩乳也故賜号於二神曰稻田宮主神已而素
戔鳴尊遂就於根國矣

一書曰素戔鳴尊自天而降到於出雲皐之
川上則見稻田宮主篁狹之八箇耳女子號
稻田媛乃於音御戶爲起而生兒號清之湯
山主三名狹漏彥八嶋篠一云清之繫名坂
輕彥八嶋手命又云清之湯山主三名狹漏
彥八嶋野此神五世孫即大國主神篠小竹

也此云斯奴

一書曰是時素戔鳴尊下到於安藝國可愛
之川上也彼處有神名曰脚摩手摩其妻名
曰稻田宮主篁狹之八箇耳此神正在姪身
夫妻共愁乃告素戔鳴尊曰我生兒雖多每
生輒有八岐大蛇來吞不得一存今吾且產
恐亦見吞是以哀傷素戔鳴尊乃教之曰汝
可以衆菓釀酒八甕吾當爲汝殺蛇二神隨

教設酒至產時必彼大蛇當戶將吞兒焉素
戈鳴尊勅蛇曰汝是可畏之神敢不饗乎乃
以八甕酒每口沃入其蛇飲酒而睡素戈鳴
尊拔劍斬之至斬尾時劍刃少缺割而視之
則劍在尾中是號草薙劍此今在尾張國吾
湯市村即熱田祝部所掌之神是也其斷蛇
劍號曰蛇之鹿正此今在石上也是後以稻
田宮主簀狹之八箇耳生兒真髮觸音稻田

媛遷置於出雲國簸川上而長養焉然後素
戈鳴尊以爲妃而所生兒之六世孫是曰大
己貴命大己貴此云於褒姒娜武智

一書曰素戈鳴尊欲幸音稻田媛而乞之脚
摩乳手摩乳對曰請先殺彼蛇然後幸者宜
也彼大蛇每頭各有石松兩脇有山甚可畏
矣將何以殺之素戈鳴尊乃計釀毒酒以飲
之蛇醉而睡素戈鳴尊乃以蛇韓鋤之劍斬

頭斬腹其斬尾之時劍刃少缺故裂尾而看
即別有一劍焉名爲草薙劍此劍昔在素戔
鳴尊許今在於尾張國也其素戔鳴尊斷蛇
之劍今在吉備神部許也出雲鍬之川上山
是也

一書曰素戔鳴尊所行無狀故諸神科以千
座置戶而逐逐之是時素戔鳴尊帥其子五
十猛神降到於新羅國居曾尸茂梨之處乃

興言曰此地吾不欲居遂以埴土作舟乘之
東渡到出雲國鍬川上所在鳥上之峯時彼
處有吞人大蛇素戔鳴尊乃以天蠅斫之劍
斬彼大蛇時斬蛇尾而刃缺即擘而視之尾
中有一神劍素戔鳴尊曰此不可以吾私用
也乃遣五世孫天之膏根神上奉於天此今
所謂草薙劍矣初五十猛神天降之時多將
樹種而下然不殖韓地盡以持歸遂始自筑

紫凡大八洲國之內莫不播殖而成青山焉
所以稱五十猛命爲有功之神即紀伊國所
坐大神是也

一書曰素戔嗚尊曰韓卿之嶋是有金銀若
使吾兒所御之國不有浮寶者未是佳也乃
拔鬚髯散之即成枚又拔散胸毛是成檜屍
毛是成被眉毛是成櫛樟已而定其當用乃
稱之曰枚及櫛樟此兩樹者可以爲浮寶檜

可以爲瑞宮之材被可以爲顯見蒼生奧津
棄戶將卧之具夫須噉八十木種皆能播生
于時素戔嗚尊之子號曰五十猛命妹大屋
津姬命次抓津姬命凡此三神亦能分布木
種即奉渡於紀伊國也然後素戔嗚尊居熊
成峯而遂入於根國者矣棄戶此云須多杯
被此云磨紀

一書曰大國主神亦名大物主神亦號國作

大已貴命亦曰葦原醜男亦曰八千戈神亦
曰大國玉神亦曰顯國王神其子凡有一百
八十一神夫大已貴命與少彥名命戮力一
心經營天下復爲顯見蒼生及畜產則定其
療病之方又爲攘鳥獸昆虫之災異則定其
禁厭之法是以百姓至今咸蒙恩賴嘗大已
貴命謂少彥名命曰吾等所造之國豈謂善
成之乎少彥名命對曰或有所成或有不

是談也蓋有幽深之致焉其後少彥名命行
至熊野之御碕遂適於常世卿矣亦曰至淡
嶋而緣粟莖者則彈渡而至常世卿矣自後
國中所未成者大已貴神獨能巡造遂到出
雲國乃興言曰夫葦原中國本自荒芒至及
磐石草木咸能強暴然吾已摧伏莫不和順
遂因言今理此國唯吾一身而已其可與吾
共理天下者蓋有之乎于時神光照海忽然

有浮來者曰如吾不在者汝何能平此國乎
由吾在故汝得建其大造之績矣是時大已
貴神問曰然則汝是誰耶對曰吾是汝之幸
魂音魂也大已貴神曰唯然迺知汝是吾之
幸魂音魂今欲何處住耶對曰吾欲住於日
本國之三諸山故即營宮彼處使就而居此
大三輪之神也此神無子即其茂君等大三
輪君等又姬踏鞮五十鈴姬命又曰事代主

神化爲八尋熊鰐通三嶋溝檝姬或云玉櫛
姬而生兒姬踏鞮五十鈴姬命是爲神日本
磐余彥火火出見天皇之右也初大已貴神
之平國也行到出雲國五十狹狹之小汀而
且當飲食是時海上忽有人聲乃驚而求之
都無所見頃時有一箇小男以白藪皮爲舟
以鷺鷥羽爲衣隨潮水以浮到大已貴神即
取置掌中而翫之則跳齧其頰乃怪其物色

遣使白於天神于時高皇產靈尊聞之而曰
吾所產兒凡有一千五百座其中一兒最惡
不順教養自指間漏墮者必彼矣宜愛而養
之此即少彥名命是也顯此云于都斯踏鞞
此云多多羅幸魂此云佐枳弥多摩音魂此
云俱斯美拖磨鷓鷄此云娑娑岐

日本書紀卷第一

110X
406
2